

405

# AD CARDINALITIAM

## QVÆSTIO MEDICA, MATVTINIS DISPVATIONIBVS

DISCVTIENDA IN SCHOLIS MEDICORVM PARISIENSIVM. DIE IOVIS, VIGESIMA

PRIMA MAIL GVILLELMO LVSSON, DOCTORE MEDICO REGIO, MODERATORE.

*An Mola sui ablationem indicet?*

**N**ATVRA æternitatis auida, specierum perennitatem, singulorum successiva sobole quantum potest molitur. Sed ut ipsa non est de his quæ semper, sed quæ vtplurimum ita contingunt: sic tam fructuosos eius conatus multa sunt quæ inturbant <sup>sepans</sup> inprimis ante <sup>nimium</sup> inde <sup>consequens</sup> ab ineunte nutricatu post <sup>nimium</sup> denique ipsa, quæ non ut eiectionis isti, aut abortivi conceptus, à laboribus, sed ab inutilibus in corpore cumulatis, venit.

**M**OLA igitur, malum mulieri inter fœminas peculiare, nec tamen omni, sed ei tantum quæ viri consuetudine gaudeat, à mola pistrinaria nomen habet. Cui non vsu, ut <sup>libere</sup> <sup>libras</sup>, sed figura & consistentia ut <sup>comparat</sup>, imò & motus tarditate responderet. Rem verò sortitur à conceptu inutili & carne in vtero molæ informi, quam feminis parit imbecillitas atque <sup>pubertatis</sup> natura conante vitam animalem ipsi conferre, sed non valente, solamque ipsi vegetatuiam, & eam imperfectam, tribuente, vna cum venulis, per eius indigestam massam confluens, quibus contentum alimentum in proprium incrementum pelliciat.

**H**IVS causa generalis est <sup>imperfecta & indigesta</sup> <sup>diuturnitas</sup>. At isti multæ subiacent quæ ancillantur, sed noxia inprimis feminis virilis, & menstrui corpora, quæ formatricis vigorem igneum tardant, hebetantque. Equidem, ut mundana omnia, sic & fœtus rerum mundanarum futurus dominus, ex aqua & igne gignitur: Ex aqua quidem, seu feminis vtriusque parentum materia & corpore, omnia per omnia nutriente. Ex igne autem seu formatricæ facultate, quæ calore viuifico, & spiritu prolifico perfusa, materiæ seminalis molem cui insidet, regit, totam per totam promouet, & certa membrorum configuratione distinguit. Itaque si tum quumprimùm operi instare incipit, vberior menstrualis materiæ nimbus ex toto corpore, in id semen, præsertim morbosum & imbecillum ingruerit, non proliuitur modò, sed & cõruitur, sic ut ex illo cœno vix emergens, spem parentum vanis arstis deludat, & pro fœtu molam edat.

**P**VRIVS hic multa signa cum legitimo fœtu habet communia, quibus ipsum falsâ mentitur imagine. Nam & ex eo menses supprimuntur, vberaque adeo extuberant, nausea & vomitus, indeque totius macies, & faciei in vepallidum colorem mutatio, alui meteorismus cum motu incerto & pigro. Sed ista adulterina à puris, purisque peritus medicus mox faciliè discernet. Mammæ etenim etsi tumidiore exurgant, nunquam tamen lacte diffuunt. Aluius sublimi tumore distenditur sed citius quam vero par sit fœtui. Præcoccum more qui nunquam ad frugem perueniunt. Nec verò tumor ille submolliis est, ut in germano fœtu, sed faxeus, quòd subiecta mola seu calore, seu frigore concreuerit, ferri aciem respuat. motus verò ille, ne quidem quarto mense ex incerto certus euadit, non perennis, non gesticulatorius, nec denique matri gratus. Certissimum verò illud est, quòd nono, vel decimo mense, qui postremus est pariendi terminus fœta nec parturiat nec pariat.

**M**OLA contra naturam est, quia matri fœcunditatem: & hospitæ vitam adimit. Sed tamen eius ablatio, si vna caro fuerit, optanda erit potius quam tentanda: at si plures, dum singulas oppugnabis, omnes expugnabis. Omnino autem cuiuscunque molis fuerit mola, mollioribus remediis ipsam aggredi fuerit melius. naturæ namque, morborum medicatrices, etiâ hic, vim ingentem odêrunt, moderatâ altius proferunt. Itaque blanda purgatione, per vices inculcata, vehementioris vices suppleto, dysenteriam non procurato, sed si sponte venerit non refugito. Sanguinem molæ nempe alimentum apertis brachiorum malleolorum, & hæmorrhoidalibus venis subducito, cruentis cucurbitulis, ad posticas laterum mollitudines & interna femora appressis hoc idem facito. Collutionibus in vuluam factis, eius retinacula resoluito: corporis exercitatione ipsam concutito. Eandem Dyslodeis nare & ore haustis deprimito: depressam subditis Euodeis prolucito. Aquis naturalibus & medicatis eius ligamenta madefacito. Sed ante, viam tibi ad hæc omnia, fotu & balneo, humectantibusque, & lubricantibus cibus tibi apparato.

*Ergo Mola sui ablationem indicat.*



Asserebat Lutetiæ SYMPHORIANS HAVTIN Parisinus, Anno Salutis millesimo sexcentesimo nono.